



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-11-3-2686-9/25

Datum: 03.09.2025.godine

Na osnovu člana 70. stav 1. i stav 4. a u vezi sa članom 69. stav 2. tačka d) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) i Zapisnika o pregledu i ocjeni ponuda od 02.09.2025.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

O D L U K U

poništenju postupka javne nabavke

I

Poništava se postupak javne nabavke radova "Sanacija kosog krova na OŠ „Rešad Kadić“ Tešanj, područna škola Džemilić Planje" koji je objavljen na Portalu javnih nabavki dana 07.08.2025.godine u otvorenom postupku javne nabavke pod brojem: 375-1-3-104-3-101/25, obavještenje o nabavci objavljeno u sl.gl. BiH broj:49/25 dana 15.08.2025.godina.

II

Ova Odluka stupa na snagu danom donošenja i dostavlja se ponuđaču koji su učestvovao u postupku javne nabavke, shodno članu 71. stav 2. Zakona o javnim nabavkama.

III

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke roba, radova "Sanacija kosog krova na OŠ „Rešad Kadić“ Tešanj, područna škola Džemilić Planje" pokrenut je Odlukom o pokretanju postupka broj:02-11-3-2686-2/25 od 04.08.2025.godine. Odabran je otvoreni postupak javne nabavke, koji je objavljen na Portalu javnih nabavki dana 07.08.2025.godine u otvorenom postupku javne nabavke pod brojem: 375-1-3-104-3-101/25, obavještenje o nabavci objavljeno u sl.gl. BiH broj:49/25 dana 15.08.2025.godina, procijenjena vrijednost javne nabavke bez PDV-a je 11.384,25KM a kriterij za dodjelu ugovora je najniža cijena.

U ostavljenom roku za dostavu ponuda pristigla je jedna ponuda i to ponuda ponuđača Samostalna zanatska radnja BEŠLAGRAD vl.Samir Bešlagić.

Komisija za javne nabavke imenovana rješenjem Općinskog Načelnika broj: 02-11-3-2686-4/25 od 13.08.2025. godine izvršila je dana 02.09.2025.godine javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila ponuđaču.

Komisija je na zatvorenoj sjednici izvršila provjeru formalne ispravnosti sadržaja pristigle ponuda, te ustanovila da je ista formalno neispravna, ponuđač uz ponudu nije dostavio dokument koji je tražen tačkom 13.3.2. tenderske dokumentacije.

Naime tačkom 13.3.1. tenderske dokumentacije ugovorni organ je propisao da „Što se tiče tehničke i profesionalne sposobnosti, ponuđači trebaju ispuniti minimalne uslove odnosno traženo je za predmetnu nabavku - angažirano tehničko osoblje i to 1 (jedan) diplomirani inženjer arhitektonske ili građevinske struke sa najmanje 3 (tri) godine radnog iskustva na poslovima građenja sa položenim stručnim ispitom ili 1 (jedan) inženjer sa najmanje 5 (pet) godina radnog iskustva na poslovima građenja sa položenim stručnim ispitom koji će biti voditelj građenja i voditelj pojedinih poslova, za koji se ne zahtjeva da su nužno zaposleni odnosno da su u radnom odnosu kod ponuđača;

Ugovorni organ je tačkom 13.3.2. tenderske dokumentacije propisao da je ponuđač obavezan uz ponudu dostaviti „Izjavu potpisanu i ovjerenu od strane ponuđača o angažovanom tehničkom osoblju ili tehničkim organima, naročito onom osoblju koje je angažirano za poslove nadzora i kontrole kvaliteta, a za koje se ne zahtjeva da su nužno zaposleni odnosno da su u radnom odnosu kod kandidata/ponuđača” uz dostavu „dokaza (original ili ovjerena kopija) o stručnoj spremi, godinama radnog staža i položenom stručnom ispitu“.

Komisija je kod pregleda i ocjene ponude utvrdila da ponuđač Samostalna zanatska radnja BEŠLAGRAD vl.Samir Bešlić uz svoju ponudu nije dostavio dokument „Izjava potpisana i ovjerenu od strane ponuđača o angažovanom tehničkom osoblju ili tehničkim organima, naročito onom osoblju koje je angažirano za poslove nadzora i kontrole kvaliteta, a za koje se ne zahtjeva da su nužno zaposleni odnosno da su u radnom odnosu kod kandidata/ponuđača” kao ni “dokaze (original ili ovjerena kopija) o stručnoj spremi, godinama radnog staža i položenom stručnom ispitu” iz tačke 13.3.2. tenderske dokumentacije.

Zapisnikom o pregledu i ocjeni ponuda broj:08-11-3-2686-8/25 od 02.09.2025.godine Komisija je u skladu sa članom 69. stav 2. tačka d) Zakona o javnim nabavkama preporučila ugovornom organu da poništi postupak javne nabavke radova, “Sanacija kosog krova na OŠ „Rešad Kadić“ Tešanj, područna škola Džemilić Planje” iz razloga što primljena ponuda za ugovorni organ nije prihvatljiva jer je ista formalne neispravna odnosno ista ne sadrži svu dokumentaciju koja je propisana tenderskom dokumentacijom.

Uzimajući u obzir sve navedeno odnosno imajući u vidu činjenicu da pristigla ponuda nije prihvatljiva odnosno ista je formalno neispravna, to je primjenom člana 69. stav 1. tačka d) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) odlučeno kao u tački I dispozitiva ove Odluke.

Pouka o pravnom lijeku: Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14, 59/22 i 50/24).

DOSTAVLJENO:

1. Ponuđač,
2. Služba za društvene djelatnosti i investicije,
3. Web stranica Općine Tešanj, elektronski
4. Predmet.

[Handwritten signature]

 **OPĆINSKI NAČELNIK**
[Handwritten signature]
mr.sci. Suad Huskić